

OPĆINA NOVO SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novo Sarajevo ("Službene novine Kantona Sarajevo", broj 25/04), načelnik Općine Novo Sarajevo, dana 9. augusta 2006. godine, verificovao je

ODLUKU

O KOREKCIJI REGULACIONOG PLANA "VELEŠIĆI"

Član 1.

Usvaja se korekcija Regulacionog plana "Velešići" (u daljnjem tekstu: korekcija Plana), ("Službene novine Grada Sarajeva", broj 11/87).

Član 2.

Korekcijom Plana se Tržnom centru sa pijacom, parcele k.č.br. 1365/1,1365/3, i 4311 K.O.Novo Sarajevo I, mijenja položaj (lokacijska postavka), horizontalni i vertikalni gabariti kao i namjena objekta a sve u okviru Planom utvrđene građevinske i regulacione linije.

Namjena, spratnost, horizontalni gabariti i lokacijska postavka planiranih objekata je preuzeta iz Idejnog projekta firme "ČEMA" d.o.o.Sarajevo i ugrađena u korekcije Plana.

Objekat je stambeno - poslovni spratnosti Po+S+P3+M.

U okviru građevinske parcele primjenjuje se normativ za saobraćaj u mirovanju jedna stambena jedinica jedno parking (garažno mjesto) a za skladišni i poslovni prostor jedno parking mjesto na 100 m² BGP-e.

Izvršene korekcije primjenjuju se i na ostalim fazama Plana.

Član 3.

Korekcija Plana sastoji se iz tekstualnog dijela i grafičkih priloga: Izvod iz regulacionog Plana "VELEŠIĆI" i situaciono rješenje u mj 1:1000 ; - Tekstualni dio i grafički prilozi korekcije Plana su sastavni dio Regulacionog plana "Velešići" ("Službene novine Kantona Sarajevo", broj 11/87).

Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novo Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-1463/06
9. augusta 2006. godine
Sarajevo

Načelnik
Općine Novo Sarajevo
Željko Komšić, s. r.

OPĆINA STARI GRAD

Općinsko vijeće

Na osnovu člana 2.12 stav sedmi Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05 77/05, 11/06 i 24/06) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 19. jula 2006. godine, donijelo je

ODLUKU

O VISINI NAKNADE ČLANOVIMA OPĆINSKE
IZBORNE KOMISIJE

Član 1.

Ovom Odlukom utvrđuje se visina stalne mjesečne naknade za rad predsjednika i članova Općinske izborne komisije Stari Grad Sarajevo, koja ne može biti manja od naknade utvrđene za općinske vijećnike.

Član 2.

Visina neto mjesečne naknade iz prethodnog člana utvrđuje se u iznosu, i to:

- za predsjednika Općinske izborne komisije . 380,00 KM
- za članove Općinske izborne komisije. . . . 330,00 KM

Član 3.

Sredstva za realizaciju ove Odluke planirana su u Budžetu Općine Stari Grad Sarajevo za 2006. godinu.

Član 4.

Odluka stupa na snagu danom donošenja, a primjenjivaće se od 1. jula 2006. godine.

Član 5.

Ova Odluka će biti objavljena u "Službenim novinama Kantona Sarajevo".

Broj 02-49-435/06
19. jula 2006. godine
Sarajevo

Predsjedavajući
Općinskog vijeća
Stari Grad Sarajevo
Rizah Avdić, s. r.

Na osnovu člana 52. stav 1. tačka 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 19. jula 2006. godine, donijelo je

ODLUKU

O DAVANJU SAGLASNOSTI NA PRAVILNIK O
UNUTRAŠNJOJ ORGANIZACIJI JEDINSTVENOG
OPĆINSKOG ORGANA UPRAVE I POSEBNIH
OPĆINSKIH SLUŽBI OPĆINE STARI GRAD
SARAJEVO

I.

Daje se saglasnost na Pravilnik o unutrašnjoj organizaciji jedinstvenog općinskog organa uprave i posebnih općinskih službi Općine Stari Grad Sarajevo.